

REGVLAE  
ALIQUOT  
SOCIETATIS  
IESV.



BVRGIS.  
*Apud Philippum Iuntam.*

---

I 5 8 3.  
*Cum facultate Superiorum.*

R. F. G. V. L. A. B.  
1801  
2011  
1821



Regulæ generales, & communes, siue  
summarium Constitutionum.

Regulæ modestiæ.

Instructio ad reddendam conscientia ra  
tionem,

Regulæ peregrinorum.

De obedientia virtute, Epistola. P. N.  
Ignatij.



210578  
1821  
1821

# S V M M A R I V M E A R V M C O N S T I T V T I O N V M,

quæ ad spiritualem nostrorum institutionem  
pertinent, & ab omnibus obser-  
uandæ sunt.



I



*V A N V I S* Summa  
sapientia, & bonitas Dei  
Creatoris nostri, ac Do-  
mini sit, quæ conseruatu-  
ra est, gubernatura, atque  
promotura in suo sancto

Cōstitutio  
nū necessi-  
tas.

In proœ.  
Conf. 5. 1.

seruitio hanc minimam Societatem I E S V, ut  
eam dignata est inchoare: ex parte verò nostra  
interna charitatis, & amoris illius lex, quam  
Sanctus Spiritus scribere, & in cordibus impri-  
mere solet, potius, quàm ullæ externæ Constitu-  
tiones, ad id adiutura sit. Quia tamē suavis dispo-  
sitio diuinæ providentiæ suarum creaturarum  
cooperationem exigit, & quia Christi domini  
nostri Vicarius ita statuit, & Sāctorum exem-  
pla, et ratio ipsa nos ita docet in Domino: neces-  
sarium esse arbitramur, Constitutiones conscri-  
bi, quæ iuuent ad melius in via incepta diuini  
obsequij procedendum, iuxta instituti nostri ra-  
tionem.

Finis & ratio  
viuendi  
Societatis.  
In Ex. c. 1.  
§. 2.

2 *Finis huius Societatis est, non solum saluti, & perfectioni propriarum animarum cum diuina gratia vacare: sed cum eadem impense in salutem, & perfectionem proximorum incumbere.*

Par. 3. c. 2.  
lit. G. &  
Par. 6. c. 3.  
§. 5.

3 *Nostræ vocationis est, diuersa loca peragraré, et vitæ agere in quauis mundi plaga, vbi maius Dei obsequium, & animarum auxilium speratur.*

In Ex. c. 1.  
§. 6.

4 *Ratio viuendi in exterioribus iustas occasus, maius Dei obsequium semper intuendo, communis est: nec vllas ordinarias pœnitentias, vel corporis afflictiones ex obligatione subeundas habet: sed illas assumere quius poterit, quæ sibi videbuntur cum approbatione Superioris ad maiorem sui spiritus profectum conuenire, & quas propter eundem finem Superiores eis poterant imponere.*

Sacramentorum  
vñs &  
examen cō  
scientiæ.  
In Ex. c. 4.  
§. 4.

5 *Ipso initio sui in Societatem ingressus, debet quisq; generalem totius vitæ cōfessionem apud aliquem Sacerdotem à Superiore assignatum facere, & post eam sacratissimum Christi domini nostri corpus sumere: & sic sexto quoq; mense, eodem modo generaliter, ab vltima inchoando, cōfitebitur.\* Et omnes tam Professi, quàm formati Coadiutores semel singulis annis parati esse debe-*

\* Par. 6. c. 1.  
§. 2.

debeant ad confessionem generalem, quæ ab  
ultima generali inchoetur, ei, quem Superior sibi  
substituerit, faciendam.

6 Utantur quotidie omnes conscientie sue ex  
aminatione consueta. \* Si Sacerdotes non fue-  
rint, confiteantur oportet, & sanctissimum sa-  
cramentum Eucharistiæ sumant octavo quoq;  
die: \* & unus omnium sit confessarius à Supe-  
riore constitutus: quod si fieri nō poterit, quisq;  
certè suum stabilem habeat confessarium, cui  
ipsius conscientia prorsus aperta sit.

7 Qui autem ali, quàm suo cōfessario designa-  
to confiteretur, debet postmodum ( quantum re-  
cordari poterit ) eidem suo confessario totam  
suam conscientiam aperire, ut nihil ignorando,  
quod ad eam pertineat, melius in Domino possit  
eundem iuare.

8 Vnusquisq; eorum, qui Societatem ingrediū-  
tur, consilium illud Christi sequendo, Qui dimi-  
serit patrem, & cat. existimet sibi patrem, ma-  
trem, fratres, & sorores, & quidquid in mundo  
habebat, relinquendum: immo sibi dictum exi-  
stimet verbum illud: Qui non odit patrem, &  
matrem, insuper & animam suam, non potest  
meus esse discipulus. Et ita curandum ei est, ut  
omnem carnis affectum erga sanguine iunctos.

Par. 3. c. 1.  
§. 11.  
\* In Ex. c. 4.  
§. 25.

\* Par 3. c. 1.  
§. 11.

Par. 3. c. 1.  
lit. Q. &  
par. 6. c. 3.  
§. 2.

Exuendus  
inordina-  
tus seculi  
affectus.  
In Ex. c. 4.  
§. 7.

exuat, ac illum in spiritualem conuertat, eosq; diligat eo solum amore, quem ordinata charitas exigit: Vt qui mundo, ac proprio amori mortuus Christo domino nostro soli viuit, eumq; loco parentum, fratrum, & rerum omnium habet.

Vera sui  
abnegatio  
In Ex. c. 4.  
§. 8.

9. Ad maiorem in spiritu profectum, & precipue ad maiorem submissionem, & humilitate propriam, contentus esse quisq; debet, Vt omnes errores, & defectus ipsius, & res quacunque, quæ notatæ in eo, & obseruatæ fuerint, Superioribus per quenuis, qui extra confessionem eas acceperit, manifestentur.

In Ex. c. 4.  
§. 8.

10. Boni etiam omnes consulant ab aliis corrigi, & ad aliorum correctionem iuuare, ac manifestare sese inuicem sint parati debito cum amore, & charitate ad maiorem spiritus profectum: præsertim vbi à Superiore, qui illorum curam gerit, fuerit ita præscriptum, aut interrogatum, ad maiorem Dei gloriam.

In Ex. c. 4.  
§. 44.

11. Diligenter animaduertant oportet (magnificiando, summiq; momenti id esse ducendo in conspectu Creatoris, ac domini nostri) quanto pere iuuat, ac conferat ad vitæ spiritualis profectum omnino, & non ex parte abhorre ab omnibus, quæ mundus amat, & amplectitur, & admittere, & concupiscere totis viribus quid  
quid

quid Christus dominus noster amauit, & amplexus est. Quemadmodum enim mundani homines, qui ea, quæ mundi sunt, sequuntur, diligunt, & querunt magna cum diligentia, honores, scilicet, famam, magni nominis existimationem in terra, sicut mundus eos edocet: sic, qui procedunt in spiritu, & serio Christum dominum nostrum sequuntur, amant, & ardentem exoptant, quæ iis omnino contraria sunt, indui nimirum eadem veste, ac insignibus domini sui pro ipsius amore, ac reuerentia: adeo, ut si sine offensione ulla diuinæ maiestatis, & absq; proximi peccato foret, vellent contumelias, falsa testimonia, & iniurias pati, ac stulti haberi, & existimari, (nulla tamen ad id per eos data occasio) eò quòd exoptant aßimilari, ac imitari aliquo modo creatorem, ac dominum nostrum IESVM Christum, eiusq; vestibus, & insignibus indui: quandoquidem illa ipse propter maiorem profectum nostrum spiritualem induit, nobisq; exemplum dedit, ut in omnibus, quoad eius fieri poterit, diuina gratia aspirante, eum imitari, & sequi, cum vera sit via, quæ ducit homines ad vitam, velimus.

12 Ut melius ad hunc perfectionis gradum in spiritali vita tam pretiosum perueniatur, ma- In Ex.c. 4.  
s. 46.



ius, ac impenitus studium cuiusq; sit querere in Dño maiorem sui abnegationē, & cōtinuam in rebus omnibus, quoad poterit, mortificationem.

In Ex. c. 4.  
§. 28.

13 In exercendiis officiis abiectis, & humili-  
bus, promptius ea suscipi convenit, a quibus sen-  
sus magis abhorrebit: siquidem iniunctum fue-  
rit, ut in eis se exerceat.

Par. 3. c. 1.  
§. 13.

14 Antevertere oportet tentationes, adhibitis  
earum contrariis: ut cum quis animadvertitur  
ad superbiam esse propensus, exerceri is debet in  
rebus abiectioribus; quæ ad humiliadum ipsum  
vtilis futura videantur: & sic de aliis pravis a-  
nimæ propensionibus.

Perfectio-  
nis, solida-  
rumq; vir-  
tutum stu-  
dium.

Par. 6. c. 1.  
§. 1.

15 Omnes constanti animo incumbamus, ut ni-  
hil perfectionis, quod diuina gratia consequi  
possimus in absoluta omnium Constitutionum  
observatione, nostriq; instituti peculiari ratione  
adimplenda, prætermittamus.

\* Par. 10.  
§. 2.

\* 16 Omnes, qui se Societati addixerunt, in vir-  
tutum solidarum, ac perfectarum, & spiritua-  
lium rerum studium incumbant: ac in huiusmo-  
di maius momentum, quàm in doctrina, vel a-  
liis donis naturalibus, & humanis constitutum  
esse ducant. Illa enim interiora sunt, ex quibus  
efficaciam ad exteriora permanere ad finem  
nobis propositum oportet.

17 Omnes



17 Omnes rectam habere intentionē studeāt, Par. 3. c. 1.  
§. 26.  
non solum circa vitæ suæ statum, verum etiam  
circa res omnes particulares: id semper in eis  
sincerè spectantes, ut seruiant, & placeant di-  
uinæ bonitati propter seipsam, & propter chari-  
tatē, & eximia beneficia, quibus præuenit nos,  
potius, quàm ob timorem pœnarum, vel spē præ-  
miorum (quanuis hinc etiam iuuari debeant,) &  
& in omnibus quærant Deum, exuentes se, quā-  
tū fieri potest, amore omnium creaturarum,  
ut affectum vniuersum in ipsarum Creatorem  
conferant, eum in omnibus creaturis amando,  
& omnes in eo, iuxta sanctissimam, ac diuinam  
ipsius voluntatem.

18 In concionibus domesticis de iis crebrò tra-  
ctent, quæ ad sui abnegationem, & in virtuti-  
bus profectum, & omnimodam perfectionem  
attinent: ad ea se inuicem exhortando, & præ-  
cipuè ad vniōem, & charitatem fraternam. Par. 3. c. 1.  
§. 21.

19 Magnopere conferet, deuotè, quoad fieri po-  
terit, ea munera obire, in quibus magis exerce-  
tur humilitas, & charitas. Et in vniuersum lo-  
quendo, quantò aliquis se arctius Deo astrinxe-  
rit, & liberaliorem erga summam maiestatem  
se præstiterit, tantò eum in se liberaliorem etiā  
experietur, & ipse in dies magis idoneus erit

ad gratias, & dona spiritualia vberiora recipienda.

Par. 5. c. 4. 20 Postquam aliquis in corpus Societatis coop-  
 5. 5. & in tatus fuerit in aliquo gradu, ad alium progredi  
 Ex. c. 6. 5. 5. tatus non debet: sed in suo perfici, & obsequio  
 & 6. curare non debet: sed in suo perfici, & obsequio  
 Cura inte- Dei, & gloriæ sese impendere.

rioris ho-  
 minis.  
 Par. 3. c. 1. 5. 21 Omnes suum tempus rebus spiritualibus im-  
 20. & Par. 4 pendant, & deuotioni quærendæ pro mensura  
 c. 4. 5. 3. & 4 gratiæ Dei ipsis communicatæ insistant.

\* Par. 3. c. 1. 5. 10. 22 Ab illusionibus dæmonis in suis spiritua-  
 libus exercitationibus caueant, & se contra o-  
 mnes tentationes tueantur: simul rationes sciāt,  
 quæ adhiberi possint, ut eas superent: & ad ve-  
 ras, solidasq; virtutes consequendas insistant: si-  
 ue plures adsint visitationes spirituales, siue pau-  
 ciores: curent verò semper in via diuini seruitij  
 progressum facere.

Paupertas  
 Par. 6. c. 1. 23 Paupertas, ut murus religionis firmus, dili-  
 5. 1 genda, & in sua puritate conseruanda est, quan-  
 tum diuina gratia aspirante fieri poterit.

Par. 3. c. 1. 5. 24 Diligent omnes paupertatem, ut matrem,  
 25. & iuxta mensuram sanctæ discretionis suis te-

\* Ibid. 5. 7 poribus eius effectus aliquos experiantur: \* nul-  
 \* Par. 6. c. 1. laq; re tanquam propria vtantur: \* paratiq; sint  
 5. 10. ad mendicandum ostiatim, quando vel obedi-  
 tia, vel necessitas id exiger.

# ONSTITVTIONVM. II

25 *Victus, vestitus, & lectivatio erit ut pauperibus accommodata: & unusquisq; sibi persuadeat, quod quæ vilissima erunt ex iis, quæ domi sunt, ei tribuentur, propter ipsius maiorem abnegationem, & spirituales profectum.*

In Ex. 2. 4  
§. 26.

26 *Intelligent omnes, quod mutuo dare, vel accipere, vel dispensare quidquam de iis, quæ domi sunt, minimè possunt, nisi Superior consensu consensum præstiterit.*

Par. 3. c. 1.  
§. 8.

27 *Omnes, qui sub obedientia sunt Societatis, meminerint se gratis dare debere, quæ gratis acceperunt, nec postulando, nec admittendo stipendium, vel eleemosynas ullas, quibus Missæ, vel cõfessiones, vel prædicationes, vel quoduis aliud officium ex iis, quæ Societas iuxta nostrum institutum exercere potest, compensari videatur: ut sic maiori cum libertate possit, & proximorum ædificatione in diuino seruitio procedere.*

Par. 6. c. 2.  
§. 7. & in  
Exa. c. 1. §. 3.

28 *Quæ ad votum castitatis pertinent, interpretatione non indigent, cum constet, quàm sit perfecte obseruanda, nempe enitendo angelicam puritatem imitari, & corporis, & mentis nostræ munditia.*

Castitas.  
sei suumq;  
custodia.  
Par. 6. c. 1. §.  
1.

\* 29 *Omnes diligentissimè curent portas sensuum suorum (oculorum præcipuè, aurium, & linguæ) ab omni inordinatione custodire, ac se*

\* Par. 3. c. 1.  
§. 4.

in pace, & vera humilitate interna conseruare, & eam in silentio, cum id obseruandū est, cum autem loquendum in circumspectione, & edificatione verborum, & modestia vultus, ac maturitate incessus, motuumq; omnium, sine vllō impatientia, aut superbia signo exhibere: in omnibus procurando atq; optando potiores partes aliis deferre, omnes in animo suo tanquam sibi superiores ducendo, & exterius honorem, ac reuerentiam, quā exigit cuiusq; status, cum simplicitate, & moderatione religiosa exhibendo: atq; ita fiat, vt se mutuō considerantes in deuotione crescant, Deumq; dominum nostrum laudent, quem quisq; in alio, vt in illius imagine, agnoscere studeat.

Par. 3. c. 1. §.

3.

30 In refectiōe corporis curādum est, vt temperantia, modestia, & decentia interiūs, & exterius in omnibus obseruetur. Præmittatur benedictio, & sequatur actio gratiarum: quas omnes agere debent, cum ea, quæ par est, deuotione, & reuerentia. Et dum corpus edendo reficitur, sua etiam anima refectio præbeatur.

Obedientiæ.

Par. 3. c. 1. §.

23.

31 Expedit in primis ad profectum, & valde necessarium est, vt omnes perfectæ obedientiæ se dedant. Superiorem (quicumque ille sit) loco Christi domini nostri agnoscentes, & interna

reue-

reuerentia, & amore eum prosequentes: nec solum in exequutione, externa eorum, quæ iniungit, integrè, promptè, fortiter, & cum humilitate debita, sine excusationibus, & obmurmurationibus obediant: licet difficilia, & secundum sensualitatem repugnantia iubeat: verum etiã conentur, interiùs resignationem, & veram abnegationem propriæ voluntatis, & iudicij habere: voluntatem, ac iudicium suum, cum eo, quod Superior vult, & sentit in omnibus rebus (ubi peccatum non cerneretur) omnino conformantes, proposita sibi voluntate, ac iudicio Superioris, pro regula suæ voluntatis, & iudicij: quò exactiùs conformentur primæ, ac summæ regulæ omnis bonæ voluntatis, & iudicij, quæ est æterna bonitas, & sapientia.

32 Liberam sui ipsorum, rerumq; suarum dispositionem omnes cum vera obedientia Superiori relinquunt, nihil ei clausum, ne conscientiam quidem propriam tenendo, non repugnando, nõ contradicendo, nec vlla ratione iudicium proprium ipsius iudicio contrarium demonstrando: vt per vnionem eiusdem sententiæ, & voluntatis, atque per debitam submissionem meliùs in diuino obsequio conseruentur, & progrediãtur.

33 Omnes obedientiam plurimùm obseruare,

Par. 4. c. 10  
§. 5.

Par. 6. c. 1. §

¶

*Et in ea excellere studeant: nec solum in rebus obligatoriis, sed etiam in aliis: licet nihil aliud, quam signum voluntatis Superioris sine ullo expresso præcepto videretur. Versari autem debet ob oculos Deus creator, ac dominus noster, propter quem homini obedientia præstat: Et ut in spiritu amoris, Et non cum perturbatione timoris procedatur, curandum est.*

Par. 6. c. 1. §. 34 *Ad Superioris vocem perinde, ac si à Christo domino egrederetur, quam promptissimi sumus, re quavis, atq; adeo litera à nobis inchoata, nec dum perfectæ, relicta.*

Par. 6. c. 1. §. 35 *Ad eum scopum vires omnes, ac intentionem in Domino conuertamus, ut sancta obedientia tum in exequutione, tum in voluntate, tum in intellectu sit in nobis semper omni ex parte perfectæ: cum magna celeritate, spiritali gaudio, et perseverantia quidquid nobis iniunctum fuerit, obeundo: omnia iusta esse nobis persuadendo: omnem sententiam, ac iudicium nostrum contrarium cæca quadam obedientia abnegando.*

Par. 6. c. 1. §. 39 *Quisque sibi persuadeat, quod, qui sub obedientia viuunt, se ferri, ac regi à diuina providentia per Superiores suos, sinere debent perinde, ac si cadaver essent, quod quoquò versus ferri, Et quacunque ratione tractari se sinat: vel similiter,*



ter, atque senis baculus, qui, vbi cunque, & quacunque in re velit eo vti, qui eum manu tenet, ei inseruit.

37 Adimplere quisque debet quasuis pœnitentias, quæ propter defectus, & negligentiam suâ, vel quiduis aliud fuerint iniunctæ: \* Pœnitentias verò huiusmodi prompta voluntate admittere deberet cum vero emendationis, & spiritualis profectus desiderio, etiam si propter defectum non culpabilem iniungerentur.

In Ex. c. 4.  
§. 33.  
+ Par. p. c. 1.  
§. 15.

38 Cum aliquis ad ministeria culinæ obeunda ingreditur, vel ad eum iuuandum, qui coquus est, eidem obedire cum magna humilitate, in rebus omnibus ad ipsius officium pertinentibus debet.

In Ex. c. 4.  
§. 29.

\* Atque valde necessarium est, vt omnes non solum Superiori Societatis, vel Domus, sed etiam subordinatis officialibus, qui ex illo auctoritatem acceperunt, obediant: & assuescant non intueri, quis ille sit, cui obediunt, sed potius quis ille, propter quem, & cui in omnibus obediunt, qui est Christus dominus.

+ Par. 3. c. 1.  
§. 24.

39 Si aliquis ex iis, qui domi sunt, cuiquâ scriberet, non nisi obtenta facultate, & literis ei ostensis, quem Superior destinauerit, id faciet. Si ad eundem literæ mitterentur, ei primò reddentur, qui à Superiore fuerit constitutus: qui

Part. 1. c. 1.  
lit. B. & in  
Ex. c. 4. §. 6.



eas lectas reddet, aut non reddet illi, ad quæ sunt destinatæ, prout in Domino expedire ad maius ipsius bonum, & Dei gloriam existimabit.

Reddenda  
sui ratio.  
In Ex. c. 4.  
§ 35.

40 Quicumque hanc Societatem in Domino se-  
qui volet, & in eadem ad maiorem Dei gloriam  
manere sub sigillo confessionis, vel secreti, vel  
quacunque ratione ei placuerit, & ad maiorem  
ipsius consolationem fuerit, debet conscientiam  
suam magna cum humilitate, puritate, & chari-  
tate manifestare, re nulla, qua Dominum vni-  
uersorum offenderit, celata: & totius antea acta  
vitæ rationem integram, vel certè rerum maio-  
ris momenti Superiori, qui tum fuerit, Societa-  
tis, vel cui ex Præpositis, vel aliis ex inferioribus  
ille iniungeret, prout magis conuenire videretur,  
reddat: & Sexto quoque mense rationem  
hanc sui, ab Ultima, quam reddiderit, incipiendo  
quisq; reddet. \* Sic etiam videtur, quod Coadi-  
tores formati, & Professi singulis annis, vel cre-  
brius, si Superiori videbitur, suæ conscientia ra-  
tionem dicto modo ei reddant.

\* Ibidem  
§. 40. &  
Par. 6. c. 1. §.  
2.

Par. 3. c. 1. §.  
12.

41 Nullam debent celare tentationem, quam  
Præfecto rerum spiritualium, vel confessorio,  
vel Superiori non aperiant: immo verò totā ani-  
mā suam illis integrè manifestam esse pergra-  
tum habeant: nec solum defectus aperiant, sed  
etiam

etiam pœnitentias, vel mortificationes, ac virtutes omnes, voluntate pura optantes ab illis dirigant, sicubi à rectitudine deflecterent, nolentes suo proprio sensu duci, nisi conueniat cum iudicio illorum, quos Christi domini nostri loco habent.

24 Idem sapiamus, idem, quoad eius fieri possit, dicamus omnes, iuxta Apostolum. Doctrinæ igitur differentes non admittantur, nec verbo in concionibus, vel lectionibus publicis, nec scriptis libris, ( qui quidem edi non poterunt in lucem sine approbatione, atq; consensu Præpositi Generalis. ) Immo & iudiciorum de rebus agendis diuersitas, quæ mater esse solet discordiæ, & inimici vniõis voluntatum, quantum fieri potest, euitari debet. Vnio verò, & conformitas mutua diligentissimè curanda est, nec, quæ ei aduersantur, permittenda: quò iuncti inuicem fraternæ charitatis vinculo, melius, & efficacius possint se diuino obsequio, & auxilio proximorum impendere.

Vnio & cõ  
formitas  
mutua.  
Par. 3. c. 1.  
§. 18.

43 In Societate nec sit, nec sentiatur animorū propensio ad partem alterutram factionis, quæ esset fortassis inter Principes, vel dominos Christianos: sed sit potius quidam vniuersalis amor, qui partes omnes ( licet sibi inuicem contraria sint ) in Domino nostro amplectatur.

Par. 10. §. 11.

Otium &  
secularia  
negotia vi  
tanda.

Par. 3. c. 1. §.  
6.

44 Omnes quandiu corpore bene valent, in spiritualibus, vel exterioribus rebus habeant, in quo occupentur, ne otium malorum omnium origo, quoad eius fieri possit, domi nostrae locum habeat.

\* Par. 6. c. 3.  
§. 7.

\* 45 Vt plenius possit Societas rebus Spiritualibus iuxta suum institutum vacare, quoad eius fieri poterit, à negotiis secularibus abstineat: quæ sunt testamentariorum, vel executorum, vel procuratorum rerum civilium, aut id genus officia, nec ea ullis precibus adducti obeunda suscipiant, vel in illis se occupari sinant.

Ratio habenda valetudinis.  
Par. 3. c. 2. §.  
1.

46 Vt nimia sollicitudo in iis, quæ ad corpus pertinent, reprehensibilis est: ita cura moderata tuende ad diuinum obsequium valetudinis, ac virium corporis, laude digna, & ab omnibus adhibenda est. & ea de causa cum animaduertent aliquid sibi nocere, vel aliquid aliud necessarium esse circa victum, vestitum, habitationem, officium, aut exercitationem, & sic de aliis rebus, admoneant omnes ea de re Superiorem, vel quæ ad id Superior constituerit, duo interim obseruantes: Primum, ut antequàm ad eum quid referant, se ad orandum recipiant, & post orationem si senserint rem deferendam ad Superiorem, id faciant: Alterum, ut cum verbo, aut scripto breui

(ne

(ne excidat memoria) Superiori rem exposuerint, ei totam curam rei expositæ relinquant: & quidquid ille statuerit, optimum ducant: nec contendere, aut urgere per se, vel alium (siue cõcedatur quod petitur, siue non) pergant: quãdoquidem sibi persuadere debent, id magis expedire ad diuinum obsequium, ac suum maius bonum, quod Superiori, reintellecta, in Domino visum fuerit...

47. Vt non expedit tanto labore corporali quẽ Par. 3. c. 2.  
quam onerari, vt spiritus obruatur, & corpus §. 4.  
detrimentũ patiatur: ita aliqua corporalis exercitatio, quæ vtrunq; iuuat, omnibus communiter conuenit, etiam illis, qui mentalibus exercitijs debent insistere: quæ quidem externis interrumpi deberent, & non continuari, nec sine mensura discretionis assumi.

48. Corporis castigatio immoderata esse non Par. 3. c. 2.  
debet, nec indiscreta in vigilijs, & abstinentijs, §. 5.  
& alijs pœnitentijs externis, ac laboribus, quæ §. 1. c. 2.  
& nocumentum afferre, & maiora bona impedire solent. Ideo suo confessorio detegi ab vnoquoque conuenit, quidquid in hac parte faciat.

49. Aegritudinis tempore non solum obseruare vnusquisq; obedientiam magna cū puritate debet erga Superiores spirituales, vt ipsius

In Ex. c. 4.  
§. 32.

## 20 SVMMARIVM CONSTIT.

animam regant: sed cum eadem humilitate erga Medicos corporales, & Infirmarios, ut corpus eius regant.

In Ex. c. 4. §. 32. 50 Qui egrotat, humilitatem, & patientiam suam prae se ferendo, non minorem edificationem, dum morbo laborat, iis, qui ipsum inuident, & cum eo versabuntur & agent, quam dum valebat corpore, ad maiorem Dei gloriam prestare curet, \* verbis piis, & ad edificationem facientibus utendo, quae ostendant aegritudinem acceptari, ut donum de manu Creatoris, ac Domini nostri: quandoquidem non minus donum est, quam sanitas.

Cóstitutio- nes, ac regulae obseruandae. Par. 3. c. 1. §. 28. 51 Aliquoties singulis annis omnes à Superiore sibi poenitentias iniungi propter defectum obseruationis Regularum petant: ut haec cura indicium sit illius, quam de suo profectu spirituali in via Dei quisque habet.

Par. 10. §. 13. 52 Omnes demum obseruationi Constitutionum studeant: ad quam easdem scire saltem, quae ad quenlibet pertinent, necesse est.

Quare legere, vel audire easdem singulis mensibus oportebit.

REGV.

## REGVLÆ COMMVNES.

- 1 **S**inguli præfinitum sibi tempus suæ con- Quæ quisq;  
erga se ser-  
uare de-  
beat.  
Par. 4. c. 4.  
§. 3. & 4.  
scientiæ bis quotidie examinandæ, ora-  
tioni, meditationi, lectioni; impendant cum o-  
mni diligentia in Domino.
- 2 Omnes quotidie sacro decenter intersint: Par. 4. c. 4. §  
3. & 4.  
& concionem, lectionem uel sacram, cum in tē-  
plo nostro habebitur, audiant.
- 3 Singuli statuto die, et assignato sibi confes- Par. 1. c. 1. §.  
11. & Par. 6.  
c. 3. §. 2. & in  
Bul. 3. Pau-  
li III.  
sario confiteantur, & non alteri sine Superioris  
facultate.
- \* 4 Omnes, qui Professi, aut formati Coadiu- \* Par. 4. c. 4.  
§. 5 & c. 10.  
§. 5. & Par. 5  
c. 4. §. 6. & c.  
Ex. c. 4. §. 3. &  
& 4.  
tores non sunt, bis in anno sua vota renouabūt,  
premissa cōfessione generali: quo tempore ratio-  
nem suæ cōscientiæ reddent, & quoties etiā Su-  
periori visum fuerit, iuxta morem Societatis.
- 5 In abstinentia sextæ feriæ Societatis consue-  
tudo seruetur.
- 6 Nullus mortificationem publicè faciat, nec  
concionetur, nisi Superiore approbante.
- 7 Nemo pecuniam apud se habeat: apud aliū In Ex. c. 4.  
§. 4.  
verò, nec pecuniam, nec quicquam aliud.
- 8 Libros nemo habeat sine facultate: \* in iis \* Par. 4. c. 6  
lit. G.  
verò, quibus vtiliter, nec scribat quicquam, nec  
notam ullam imprimat.

9. Nemo rem ullam ex domo, vel ex alterius cubiculo sibi surpet, aut ab externo, quouis modo sibi, aut ali accipiat, sine Superioris licentia.
10. Ad maiorem vñionem eorum, qui in Societate viuunt, maiusq; auxilium eorum, apud quos habitant, singuli addiscant eius regionis linguam, in qua resident, nisi fortè ipsorum natua illic esset utilior: \*salua tamen Latini sermonis lege, in iis, qui literis dant operam.
11. Nullus ita cubiculum suum claudat, quin aperiri extrinsecus possit: aut arcam, seu quicquam aliud habeat obseratum absq; Superioris facultate.
12. Aperta fenestra nemo noctu dormiat, \*nec sine indusio, aut non coopertus.
13. Nemo cubiculo egrediatur, nisi decenter vestitus.
- In Ex. c. 6. §. 6. 14. Nemo eorum, qui ad domestica ministeria admittuntur, aut legere discat, aut scribere: aut si aliquid scit, plus literarum addiscat: nec quisquam eum doceat, sine Præpositi Generalis facultate: sed satis ei erit sancta cum simplicitate, et humilitate Christo domino nostro seruire.
- Per 4. c. 10. §. 9. 15. Signo campanæ constitutis horis auditò, omnes statim, vel imperfecta licet relicta, ad id, ad quod vocantur, se conferant.



16 Vt consulatur valetudini, nemo extra consuetu-  
tempora bibat, nec extra domum cibū su-  
mat absq; facultate Superioris.

17 Qui malè se habere præter solitum sēse-  
rit, id Infirmario, vel Præfecto sanitatis, aut Su-  
periori referat: nemo verò medicinam ullam ac-  
cipiat, aut medicum eligat, vel consulat, nisi ap-  
probante Superiore. Par. 3. c. 2.  
§. 6.

18 Singuli, etiam si sacerdotes sint, cū pri-  
mū surgunt, lectum operiant, eumq; & reli-  
qua componant hora consuetā, & scopis cubicu-  
lū verrant tertio saltem quoque die, exceptis  
iis, qui ob occupationes maioris momenti, aut  
valetudinis causa, iudicio Superioris subleuan-  
di sunt.

19 Mundities, quæ & ad valetudinem, & ad  
edificationem confert, omnibus cura sit, tã cir-  
ca se ipsos, quàm circa alia omnia.

20 Qui grauem tentationem alicuius noue-  
rit, Superiorem admoneat, vt ei ipse, pro pater-  
na in suos curā, ac prouidentia, conuenienti re-  
medio possit occurrere. Seruanda  
erga Supe-  
r. ores.

21 Quæ à Superioribus circa administratio-  
nē agenda sunt, nemo curiosè ab aliis exquirat,  
aut coniecturam faciēdo de iis sermonem mi-  
sceat: sed vnusquisque sibi, ac muneri suo atten-

dens, quicquid de se, atq; aliis constituendū erit, tanquam de manu Dei expectet.

22 Omnes caput aperiunt suis Superioribus, & Sacerdotibus ū, qui Sacerdotes non sunt: discipuli etiā suis præceptoribus. Vnusquisq; autem Superiores alloquatur magna cum reuerentia: is verò, quem Superior alloquitur, aut reprehendit, humiliter, & sine interpellatione audiat.

23 Si cui à Superiore denegatum aliquid fuerit, alium Superiorem ne adeat super ea re, quin ei aperiat, quid sibi ab alio fuerit responsum, & quas ob causas negatum.

24 Cui fuerit alicuius rei cura commissa, si impedimentum aliquod interuenerit, maturè admoneat aliquē ex Superioribus, vt provideat.

25 Nemo cum ex vno loco in alium profiscitur, quicquam secum asportet sine facultate Superioris.

Seruanda  
erga domos  
nicos.

26 Extra tempora recreationi assignata, hac ratione silentium seruandū est, vt nemo loquatur, nisi obiter, et per paucis, aut de rebus necessariis, præsertim in ecclesia, sacristia, & refectorio: in Missa verò, cōcione, mēsa, lectionibus, et disputationibus, si quid priuatim dicere necesse erit, breuissimè, & submissa voce suggeratur.

Par. I. c. 4. 6.  
4. & lit. A.

27 Nemo præter eos, qui à Superiore deputati fue-

ti fuerint, loquatur cum iis, qui in prima probatione versantur: excipiuntur tamen vsitatæ salutationes, quas, cum alij aliis obuij fiunt, charitas religiosa exigit.

28 Omnes demissa voce, vt religiosos decet, loquantur: nullusq; cum alio contendat: sed, si qua in re nobis est diuersa sententia, eaq; videtur manifestanda, rationes modeste, & cum charitate afferantur, eo animo, vt suus veritati sit locus, non vt in ea re Superiores videantur.

29 Qui facultate accepta ægrotos inuisent, non solum demissa voce loquatur, sed tanta etiã moderatione, vt illis molesti non sint, atq; de iis agant, quæ & exhilarare, & consolari ægrotos, circumstantesq; edificare in Dño possint.

30 Caueant sibi omnes ab illo affectu, quo alii de aliis nationibus sinistrè sentire, aut loqui solent: quin potius & bene sentiant, & peculiari affectu diuersas à sua nationes prosequantur in Dño: ac proinde nemo bella, cõtentionesue inter Christianos principes in colloquium inducat.

31 Nemo præter eos, quibus per Superiorem licet, quicquam aliis iubeat, aliosue reprehendat.

32 In alterius officiũ nemo se ingerat: in locum verò alieno ministerio deputatum nullus,

Par. 10. §. 11.  
Par. 4. c. 10.  
§. 6.

ingrediatur sine facultate Superioris, aut Præse-  
 Et illius loci, in rebus necessariis.

Part. 3. c. 1.  
 lit. D.

33 Nemo in alienum cubiculum ingrediatur  
 sine generali, aut speciali Superioris facultate:  
 quod si aliquis intus sit, nō prius aperiatur ostium,  
 quā post pulsū audiat, ingredi: & tandiu  
 aperta sit ianua, quādiu, intus vnā fuerint.

34 Vt ea, quæ religiosos decet, grauitas, et mo-  
 destia retineatur, nemo alium etiam ioco tūgat,  
 præterquam in signum charitatis amplexando,  
 cum quis, aut abit, aut redit peregre.

35 Nemo, dum mensæ accumbit, cuiquam ex  
 nostris, præterquam ei Superiori, qui præest toti  
 Domui, aut Collegio, caput aperiatur. Et cum ali-  
 quid in mensa cuiquam deest, is, qui illi assidet,  
 admonet eum, qui ministrat.

Seruanda  
 erga extra  
 neos & cū  
 foras eun-  
 dum est.

36 Domi nemo loquatur cum externis, aut a-  
 lios ad id vocet sine facultate generali, aut par-  
 ticulari Superioris.

37 Nemo cuiusquam externi ad domesticū,  
 aut domestici ad externum mandata deferat,  
 aut literas, in scio Superiore: seculares autem ru-  
 mores, qui foris audiuntur, ne temere, & sine  
 fructu narrentur.

38 Nemo quæ domi acta, vel agenda sunt, ex-  
 ternis referat: nisi Superiori id probari intelli-  
 gat.

gat. Constitutiones verò, aliosue huiusmodi libros, aut scripta, quibus Societatis institutū, vel privilegia continentur, non, nisi ex Superioris, expresso consensu, iis communicet.

39 Nemo scriptas dabit, aut mittet cuiquā exter-  
no, vel domestico instructiones spirituales, aut  
meditationes, nec exercitia spiritualia Societatis  
alicui communicabit, nisi à Superiore id appro-  
betur.

40 Nemo ab externis consilium petat sine  
facultate Superioris.

41 Nemo cuiusquam negotij, etiam pij, sine Par. 6. c. 3.  
6. 7. & par. 9  
c. 6. §. 4. facultate Superioris curam suscipiat, nec ad id  
operam suam promittat, aut se propensum ostē-  
dat: secularia verò negotia, ut quæ sunt à nostro  
instituto aliena, & vehementer à spiritualibus  
auocant, multò magis auersari conuenit.

42 Omnes, pro ratione sui gradus, data cōmo-  
da occasione, enitātur piis colloquiis proximū ad  
meliora promouere: & cōsiliis, ac exhortatione  
ad bona opera, præsertim ad cōfessionē excitare.

43 Nullus domo egrediatur, nisi quando, & Par. 3. c. 1 §.  
3. & in  
Ex. c. 4 §. 23 cum quo sociò Superiori visum fuerit.

44 Cū quis facultatem à Superiore petit ali-  
quò eūdi, simul etiā aperiat, quò, et cuius rei cau-  
sa ire velit: præsertim si Prælati, aut alius

Vir

## 28 REGVLÆ COMMVNES.

Vir primarius conueniendus sit: eademq; die referat eidē, quid egerit, sicut ipsum velle intelliget, & res postulauerit.

45 Ingressuri, egressuriue domo, tintinnabulū nec vehementius, nec crebrius pulsant, quā par est. Nemo autem nisi consuetā domus ianua egrediatur, vel ingrediatur.

46 Qui domo egrediūtur, signabūt sua nomina, quæ prope ostium domus in tabula descripta sunt, et admonebūt ianitorē, quò sint profecturi.

47 Omnes ante noctem, qui foris sunt, se domum recipiant, nec egredientur ante lucem sine facultate Præpositi, vel Rectoris.

48 Cū quis iter faciens transit per locū, ubi Domus, aut Collegium Societatis sit, ad aliud hospitium ne diuertat, \* eiusq; qui illic præest, obedientiæ subsit in omni us, sicut & reliqui, qui in eadem Domo, vel Collegio cōmorantur. Quòd si quis etiam ad negotia tractanda venerit, ea nō nisi ex eiusdē cōsilio, ac directione tractabit.

49 Singuli has Regulas, & officiorum suorū habeāt atq; intelligāt sibiq; faciant familiares, ac earū memoriā mēsitus singulis eis legēdis, vel audiēdis renouent: \* qui tamē peculiaria ministeria Coadiutorū obeūt, eas, quæ ad ipsorū officia pertinent, singulis hebdomadis repetant.

REGV-

\* Can. 13.  
Cong. 3.

\* Par. 4. c.  
10. lit. F.

# REGVLÆ

## MODESTIÆ.

I



*N* conuersatione nostro- P. r. j. c. l. f.  
rum illud in vniuersum 4.

dici potest, vt in omnibus  
externis actionibus appa-  
reat in nostris modestia,  
& humilitas coniuncta

cum religiosa maturitate: speciatim autem hæc  
obseruanda erunt.

2 Caput huc illuc leuiter non moueatur, sed  
cum grauitate, vbi opus erit: & si opus non  
sit, teneatur rectum cum moderata inflexione  
in partem anteriorem, ad neutrum latus defle-  
ctendo.

3 Oculos demissos, vt plurimum, teneant, nec  
immoderatè eos eleuando, nec in hanc, aut illam  
partem circumspectendo.

4 Inter loquendum cum hominibus, præser-  
tim alicuius autoritatis, non defigatur aspectus  
in eorum vultus, sed potius sub oculos.

5 Rugæ in fronte, ac multò magis in naso, cui  
tentur: vt serenitas exterius cernatur, quæ inte-  
rioris sit indicium.



6 Labia nec nimis compressa, nec nimium di-  
ducta.

7 Tota facies hilaritatem potius præ se ferat,  
quàm tristitiam, aut alium minus moderatum  
affectum.

8 Vestes sint munda, & cum religiosa decen-  
tia compositæ.

9 Manus, si non in sustinenda veste occupen-  
tur, decenter quietæ teneantur.

10 Incessus sit moderatus sine notabili festi-  
natione, nisi necessitas urgeret: in qua tamen,  
quantum poterit, decoris ratio habeatur.

11 Omnes deniq; gestus, ac motus eiusmodi  
sint, qui apud omnes ædificationem pariant.

12 Si plures simul erunt, ordinem præscriptum  
à Superiore, bini, vel terni incedendo, seruent.

13 Si loquendum fuerit, meminerint mo-  
destiæ, & ædificationis, tum in ver-  
bis, tum in ratione, ac mo-  
do loquendi.

IN-

# INSTRVCTIO

## AD REDDENDAM CON-

scientiæ rationem, iuxta morem  
Societatis.



Intelligent singuli, dum rationem conscientiae sunt reddituri, quanti momenti Pater noster sanctae memoriae Ignatius id duxerit, ad maiorem Diuinae bonitatis gloriam.

Ut subditi magis in spiritu cum gratia vberiori proficiant, ac tanto maiore cum diligentia, amore, & sollicitudine iuuari, & à periculo conseruari possint, ut, quae \* in Examine, & Constitutionibus toties commendantur, & §. 40. summarum Constitutionum praescribuntur, de reddenda ratione conscientiae, exactè seruentur. Proinde vnusquisq; magna cura puritate, sub sigillo confessionis, aut secreti, aut quacunque ratione ei placuerit, & ad maiorem ipsius consolationem fuerit, totam animam suam integrè manifestam faciat, nullam rem celando, qua Dominum vniuersorum offenderit, post vltimam rationem redditam conscientiae: vel certè aperiat eos defe-

\* In Ex. c. 4  
34. & seq. &  
P. 4. c. 10. §.  
5. & P. 6. c. 1  
§. 2.

defectus, qui magis ab eo tempore grāuāt ipsius animam.

Capita verò, quibus conscientie ratio reddi debet, hæc ferè erunt: ex quibus, cū caretulerint, quæ ad plenam sui manifestationem dicenda putauerint, petant à Superiore, vt eos interrogando iuuēt, ac suppleat, si quid esse iudicet, quod ad maiorem Dei gloriam, & suorum notitiam scire velit.

- 1 An viuat contentus iuxta suam vocationē.
- 2 Quomodo se habeat circa obedientiam etiā intellectus, paupertatem, castitatem, & vsum aliarum virtutum, & quarum præcipuè studio intentus sit.
- 3 An sentiat aliquas animi perturbationes, aut tentationes molestas, & de facilitate, seu difficultate, & modo eis resistendi, & ad quos affectus, vel peccata sit magis propensus, & incitatus.
- 4 An contra Constitutiones, vel Regulam aliquam, vel ordinationem Superiorum firmum iudicium habuerit, vel contra eam disputa uerit.
- 5 Quid sentiat de ipso instituto Societatis, & medus, quibus illa vtitur ad suū finem consequendum, et quem experiatur in se zelum animarū.

- 6 Quomodo spiritualibus rebus sit affectus, quantum temporis orationi tribuat, & num vocali, an potius mentali inuetur, & utri plus temporis tribuat, & quem modum in oratio teneat.
- 7 Num in usu rerum spiritualium consolatio nem & deuotionem habeat, an verò contrà desolationem, ariditatem, & vagationem animi patiatur, & quomodo in iis se gerat.
- 8 De fructu, quem ex communione, confessione, examine, præsertim particulari, et aliis exercitiis spiritualibus percipiat.
- 9 Num post ultimam rationem conscientie, quam reddidit, maiorem, an minorem fructum fecerit, & quem animum experiatur ad perfectionem consequendam.
- 10 Quomodo obseruet, quæ ex Constitutionibus, & Regulis tum communibus, tum officij sui ad eum pertinent.
- 11 De mortificationibus, pœnitentiis, & aliis exercitationibus, quæ faciunt ad spiritus profectum: & in specie de præparatione ad iniurias, & ad alia, quæ ad Christi crucem pertinent, ferenda, atque de eorum desiderio.
- 12 De sociis, & quomodo ex eorum conuersatione proficiat in Domino, & an alicui plus sit familiaris, quàm aliis.

23 *An auersionem animi sentiat ab aliquo, et an offensus sit in aliquo à Superioribus, vel officialibus, vel quavis alia persona, & quomodo sit affectus erga Superiores.*

24 *An tentationes aliquas sit passus, quas alij intellexerint, praesertim circa vocationem.*

REGV

REGLAE  
PEREGRINORVM.



Ersuadeant sibi, peregrinationis finem non tam esse corporis defatigationem, & ut multum iter conficiant, quam ut ex ea fructum aliquem spirituales percipiant; atque ex eo fine, & iter ipsum, & ceteros peregrinationis labores moderentur.

2. Litaniis simul omnes quotidie in ipso itinere ingressu, vel Itinerarium dicant: nec orationem, & consueta examina praetermittant, & alias etiam Regulas obseruent, quantum ratio itineris permittet.

3. Studeant frequenti oratione, & meditatione comitem itineris sibi Christum facere: et colloquiis interdum piis, & religiosis, ac lectione alicuius libri pie molestias itineris leuare poterunt. Quod si cum externis in via, aut in hospitibus egerint, meminerint pro ratione sui gradus, habitatione temporis, & personarum, sermones de rebus spiritualibus inducere, et fructum aliquem, quoad poterunt, efficere.

In Ex.c. 4. 4 *Eleemosynas simpliciter pro Christi amore*  
 §.12. *petant: ut omni spe illa abiecta, quam in pecu-*  
*niis, & rebus creatis habere possunt, integrè, ve-*  
*ra cum fide, & ardenti amore eam in suo Crea-*  
*tore, ac Domino constituent: memores, à Christo*  
*Domino Apostolos sine sacculo, & pera mis-*  
*sos: ipsum etiam Dominum non habuisse, ubi ca-*  
*put suum reclinaret.*

In Ex.c. 4. 5 *Indigentia, & penuria rerum corpori ne-*  
 §.12. & 26. *cessariarum probari exoptent, ut ad incommodita-*  
*tem cibi, somniue capiendi libenter assuescant:*

\* Ibidem. §. 44. *\* iniurias verò, illusiones, & opprobria, quæ illis*  
*in itinere inferri contigerit, patienter cum Dei*  
*gratia ferant. gaudeantq; materiam præberi si-*  
*bi imitandi aliquo modo Christum Dominum,*  
*eiusque vestibus, atque insignibus seipsos in-*  
*duendi.*

6 *Qui maioribus pollent ad viam peragenda*  
*viribus, eos, qui sunt infirmiores, subsequi, & nō*  
*præcedere debent: & iter cuiusque diei horum*  
*debilium infirmitate commensuretur: quòd si*  
*quis viribus destitueretur, iumento, aut alia ra-*  
*tione iuvari debet: quæ in re non qualitatis per-*  
*sonarum, sed necessitatis, & charitatis fraternæ*  
*ratio est habenda.*

7 *Si quis in morbum incideret, ita ut ulterius*  
 pro-



progredi non posset, nec expediret reliquos ibi moram trahere, si vicinum esset Collegium, aut Domus Societatis, eò esset ager (si modò morbus patiatur) deducendus: alioqui aliquis ex nostris illi erit socius relinquendus, ut consolatio ni ei sit, & auxilio:egro autem viribus restituto, cœptum iter ambo prosequantur.

8 Si in via ab honesto, & pio amico inuitarentur, posset, qui præest, hospitalitatis beneficium admittere: tunc autem curare debent verbis, & religioso exemplo hospites ædificatos in Domino relinquere.

9 Eiusdem ædificationis, & exempli in omnibus hospitibus meminisse debet: sobrietatis etiam in mensa, & modestiæ in conuersatione nunquā obliuiscantur.

10 Cùm in itinere ad Collegia, vel Domos Societatis diuertent, studeant omnes bonum ædificationis odorem exemplo vitæ, ac morum nostris relinquere. De rebus verò, aut personis aliorum Collegiorum, aut Domorum nihil loquantur, aut tractent, nisi ad ædificationem.

11 Si transierint per locū, ubi Domus, aut Collegium Societatis sit, nihil ab externis nec pro se, nec pro aliis petant, aut accipiant sine facultate Superioris eiusdem Domus, vel Collegij.

12 Omnes alij, qui iter faciunt ex nostris equi-  
tes, aut pedites, has regulas peregrinorum suo  
modo, quantum fieri potest, etiam seruent. Et  
tam peregrini, quam reliqui, qui iter fa-  
ciunt, patentes literas sui Supe-  
rioris habere cu-  
rent.

REGV-

DE OBEDIENTIA  
VIRTUTE, EPISTOLA  
N. P. IGNATII.

Ignatius Loiola Fratribus Societatis IESV, qui  
sunt in Lusitania gratiam, & amorem  
Christi Domini semper  
ternum.



*Agnam animi voluptatem  
capió, fratres in Christo cha-  
rissimi, cum affertur ad me,  
quam acris studio conatuq; ad  
summam virtutis, ac diuini  
obsequij perfectionem enita-  
mini: beneficio illius, qui vos, ut ad hoc vitæ insti-  
tutum vocauit. sic in eodem pro sua clementia  
retinet, dirigitq; ad beatum finem, ad quem, qui  
sunt ab ipso electi, perueniunt.*

I.

III

II.

*Atque ego sanè, cum vos omnibus donis, orna-  
mentisq; spiritualibus perfectos, tu verò (quod a-  
liis ex me cognouistis) in primis obediētiae virtu-  
te praestantissimos esse cupio: idque non solum  
ob eximia quaedam, ac singularia eius bona,  
quæ tot, tamque illustribus sacrarum literarum*

Libr. 35.  
Moral. c. 10

testimoniis, atq; exemplis, in testamento æquè  
nouo, ac veteri comprobantur: sed etiam quod  
(ut est apud sanctum Gregorium) obedientia so-  
la virtus est, quæ virtutes cæteras menti inserit,  
insertasq; custodit. Hæc dum floruerit, flore-  
bunt proculdubio reliquæ, ædentq; fructus, quales &  
ego in animis vestris exopto, & suo iure pos-  
tulat is, qui humanum genus neglectæ obedientiæ  
scelere afflictum, ac perditum, saluari ipsemet  
Ad Phil. 2. obedientia reparauit, factus obediens vsq; ad  
mortem, mortem autem Crucis.

III.

Ab aliis religiosis ordinibus facilius patia-  
mur superari nos ieiuniis, vigiliis, & cætera vi-  
ctus, cultusq; asperitate, quam suo quiq; ritu, ac  
disciplina sanctè suscipiunt: vera quidem, ac per-  
fecta obedientia, abdicationeq; voluntatis, atq;  
iudicij maximè velim, fratres charissimi, esse  
conspicuos, quicunque in hac Societate Deo  
Domino nostro deseruiunt: eiusdemq; Societa-  
tis veram, germanamq; sobolem hac quasi no-  
ta distingui, qui nunquam intueantur perso-  
nam ipsam, cui obediunt, sed in ea Christum  
Domidum, cuius causa obediunt. Siquidem Su-  
periori, nec si prudentia, bonitate, cæterisq;  
quibuscumque diuinis donis ornatus, instructusq;  
sit, propterea obtemperandum est: sed ob id

so-

solùm, quòd vices gerat Dei, eiusdemq; autorita-  
 te fungatur, qui dicit: Qui vos audit, me audit, Luc. 10.  
 & qui vos spernit, me spernit: nec contrà, si-  
 ne consilio, aut prudentia minus valeat, quid-  
 quam idcirco de obedientia remittendum, qua-  
 tenus ille Superior est: quando illius personam  
 refert, cuius sapientia falli non potest: supple-  
 bitq; ipse, quidquid ministro defuerit, siue  
 probitate, aliisq; ornamentis careat: siquidem  
 disertis verbis Christus Dominus cum dixisset,  
 super cathedram Moysi sederunt Scribæ, & Matth. 23  
 Pharisei: protinus addidit. Omnia ergo, quæ-  
 cunq; dixerint vobis, servate, & facite: secundũ  
 verò opera eorum nolite facere.

Quocirca sedulo vos in eam curam, atq; exer- IIII.  
 citationem incumbere cupio, ut Christum Do-  
 minum in Superiore quolibet agnoscere stu-  
 deatis, in eoq; divinæ Maiestati reuerentiam,  
 atque obediẽtiam summam cum religione  
 præstare. Quod vobis minus mirum videbi-  
 tur, si animaduerteritis præceptum esse ab Apo-  
 stolo, ut Superioribus etiam secularibus, ethni-  
 cisq; pareamus, ut Christo, ex quo omnis po-  
 testas bene instituta descendit: sic enim scri-  
 bit ille ad Ephesios. Obedite Dominis carnali- Cap. 6.  
 bus cum timore, & tremore in simplicitate

cordis vestri, sicut Christo; non ad oculum seruientes, quasi hominibus placentes, sed ut serui Christi facientes voluntatem Dei ex animo, cum bona voluntate seruientes, sicut Dño, et nõ hominibus. Atq; hinc existimare poteritis ipsi, cum se religiosus quispiam regendum, ac moderandum alteri tradidit, non solum ut Superiori, sed etiam nominatim, ut Christi partes agentis: quod illum loco apud animũ suum habere, verum ut hominem, an ut Christi vicariũ debeat intueri.

**V.** Iam verò illud etiam vobis clarè compertum esse, ac in animis vestris penitus insidere vehementer cupio: infimam, & valde imperfectam esse primam illam obedientiæ formam, quæ munda duntaxat opere exequitur: nec virtutis nomine dignam, nisi ad alterum gradum ascēdat, qui voluntatem Superioris suam efficit, & cum ea ita concordet, ut non solum in effectu executio appareat, verum etiam in affectu consensio: sicq; idem velit uterque, idem nolit, Atque propterea in sacris literis legimus. Melior est obedientia, quàm victima: siquidem (ut S. Gregorius docet) per victimas aliena caro, per obedientiam verò voluntas propria mactatur: quæ quidem pars animi, quoniam est adeò præstans, sic fit, ut eius oblatio Domino, ac Creatori nostro

per

III

VI.

Coll. 4.  
cap. 20.

IIII

In Sermon.  
ad milit. c. 13.  
pl. c. 13.

per obedientiam facta, magni sit æstimanda.

Quanto in errore, quamq; periculoso versatur, non dico solum ij, qui in iis, quæ ad carnem, & sanguinem pertinent, sed illi etiam, qui in rebus alioquin admodum sanctis, ac spiritualibus, ut ieiuniis, precationibus, aliisue quibuspietatis operibus fas putant à præscripto Superioris, ac voluntate discedere. Audiant quod sapienter adnotat Cassianus in Collatione Danielis Abbatis. Vnum sanè, inquit, atque idè inobedientiæ genus est, vel propter operationis instantiam, vel propter otij desiderium, senioris violare mandatum: tamq; dispendiosum est pro somno, quam pro vigilantia Monasterij statuta conuellere: tantum deniq; est Abbatis transire præceptum, ut legas, quantum si contemnas, ut dormias. Sancta fuit actio Martha, sancta contemplatio Magdalene, sancta pœnitentia & lacryma, quibus pedes Christi Domini rigabantur: sed hæc omnia nimirum oportuit fieri in Bethania, quam vocem domum obedientiæ interpretantur: ut ea re, quemadmodum ait S. Bernardus, nobis significare voluisse Dñs videatur: Nec studium bonæ actionis, nec otium sanctæ contemplationis, nec lacrymam pœnitentis, extra Bethaniam illi accepta esse potuisse.

Quo-



VII.

Quocirca volūtates vestras, fratres charissimi quoad eius fieri potest, omnino deponite: libertatem Conditori vestro, quam vobis ipsemet elargitus est, in eius ministris liberè tradite, ac dicite, nolite exiguum vestri liberi arbitrii fructum putare, quod liceat vobis illud à quo id accepistis, eidem per obedientiam plenè reddere. Quod cum facitis, nō modo non perditis ipsum, Verūm etiam augetis, atque perficitis: quippe qui vestras omnes voluntates certissima rectitudinis regula moderamini voluntate diuina, quam videlicet interpretatur is, qui vobis Dei nomine præsidet.

VIII.

Itaque diligenter illud etiam cauendum est, ne Superioris vllō vnquam tempore voluntatem (quam ducere pro diuina debetis) ad vestram detorquere nitamini: id enim esset non vestram diuinæ conformare, sed diuinam vestræ voluntatis norma regere velle, eiusdem diuinæ sapientiæ ordinem inuertentes. Sanè quàm magnus est error, & quidem eorum, quos amor sui obcauit, obediētes existimare sese, cū Superiorē ad id, quod ipsimet volūt, aliqua ratione pertraxerint. Sāctum Bernardum in hac re præclare exercitatum audite: Quisquis, inquit, vel aperte, vel occultè satagit, vt, quod habet in voluntate, hoc

In Serm. de  
trib. ordin.  
eccle. ad Pa-  
tres in ca-  
pitulo.

te, hoc ei spiritualis pater iniungat, ipse se seducat, si forte sibi quasi de obedientia blandiatur: neq; enim in eare ipse Prælato, sed magis ei Prælati obedit. Quæ cum ita sint, quisquis ad obedientiæ virtutem velit peruenire, oportet ad hunc secundum obedientiæ gradum ascendat, ut Superioris non solum iussa exequatur, sed etiã eius voluntatem suam faciat, seu potius suam exuat, ut diuinam à Superiore expositam induat.

Qui verò se totum penitus immolare vult Deo, præter voluntatem, intelligentiam quoque, qui tertius, & summus est gradus obedientiæ, offerat necesse est, ut non solum idem velit, sed etiam ut idem sentiat, quod Superior, eiusq; iudicio subiiciat suum, quoad potest deuota voluntas intelligentiam inflectere. Quævis animi, tametsi non ea, qua voluntas pollet, libertate prædita est, atq; ipsa natura fertur eius assensus in id, quod sibi veri speciem præbet: tamen multis in rebus, in quibus videlicet cognitiue veritatis euidentiæ vim illi non infert, potest voluntatis pōdere in hanc potius, quàm in illam partem inclinari. Quæ res cum incidunt, debet quisquis obedientiã profiteretur, inclinare sese in sententiã Superioris. Etenim cum obedientia sit quoddã holocaustũ, quo totus homo sine vlla prorsus imminutione Con-

I X.

ne Con-

ne Conditōri suo, ac Domino per manus ministrorum in charitatis igne immolatur: cumq; sit eadem renunciatio quædam integra, per quam omni suo iure sponte decedit religiosus, ut diuine providentiæ, Superioris ductu gubernandū, ac possidendum ultro se se addicat, ac mancipet: negari non potest, quin obedientia comprehendat nō solum executionē, ut imperata quis faciat, & voluntatem, ut libenter faciat: sed etiam iudiciū, ut quæcunq; Superior mandat, ac sentit, eadem inferiori & recta, & vera esse videatur: quatenus, ut dixi, si sua potest voluntas intelligentiam flectere.

X.

Utinam hanc mentis, & iudicij obedientiam, ita & intelligerent homines, & exercerent, ut grata Deo est, ac omnibus, qui in religione vivunt, necessaria. Nam, ut in corporibus, globisq; cælestibus, ut alius alium afficiat, moueatq;, requiritur, ut certa quoddam conuenientia, & ordine inferior orbis superiori subiiciatur: sic in hominibus, cum alter alterius autoritate mouetur, quod per obedientiam fit, oportet, ut is, qui ab alterius nutu pendet, subseruiat, & obsecundet, ut virtus ab imperante ad eum deriuetur, et influat. Hæc autem obtemperandi, obsecundandiq; ratio constare non potest, nisi voluntas, ac iudi-

iudicium inferioris cum Superioris voluntate,  
ac iudicio congruat.

Iam verò si finis, & causa obedientiae spectatur, quemadmodum voluntas, ita & iudicium in eo, quod nobis conuenit, decipi potest. Ergo sicuti, ne voluntas erret, cum Superioris voluntate coniungitur: sic intelligentia, ne fallatur, ad Superioris intelligentiam conformanda est. Ne innitaris prudentiae tuae, sacrae literae monent: atque in rebus etiam humanis censent sapientes, verè prudentis esse, sua ipsius prudentia minimè fidere: praesertim in rebus suis, quarum homines animo perturbato ferè boni iudices esse non possunt. Quòd si in rebus nostris, alterius etiam non Superioris iudicium, atque consilium nostro anteponendum est, quantò magis ipsius Superioris, cui nos, ut Dei vicem gerenti, ac diuinæ voluntatis interpreti moderando tradidimus? In causis verò, personisq; spiritualibus cò maior etiam cautio proculdubio est necessaria, quò grauius est spiritualis viæ periculum, cum sine frenis consilij discretionisue in ea decurritur. Qua de re

XI.

Prober. 61



Coll. a. c. 11.

commodè Cassianus in Collatione Abbatis Moysi ait. Nullo alio vitio tam præcipitem diabolus monachum pertrahit, ac perducit ad mortem: quam cum eum neglectis consiliis seniorum,

suo

XII.

suo iudicio persuaserit, definitionique considerare. Præterea, nisi hæc obedientia iudicij existat, fieri nõ potest, ut vel consensus voluntatis, vel exequutio talis sit, qualẽ esse oportet: natura enim ita comparatum est, ut animi nostri vires, quæ appetitiuæ dicuntur, sequantur apprehensivas: & nisi adhibita vi, voluntas, iudicio repugnan-  
 te, diu obtemperare non poterit. Quòd si forte quis aliquo temporis spatio obediat per communem illam apprehensionem, qua censetur, perperam etiam præcipienti parendum esse: certè id stabile, ac fixum esse non potest: atque ita perseverantia deficit, vel saltem obedientiæ perfectio, quæ in promptè, & alacriter obediendo consistit: non enim ibi potest esse alacritas, ac diligentia, ubi est animorum, sententiarumq; dissensio: perit etiam exequendi studiũ, & celeritas, cum ambigitur, expediat, nec ne, facere quod iubemur: perit celebris illa obedientiæ cæca simplicitas, cum apud nos ipsos in quæstionem vocamus rectène præcipiantur, an secus: atque etiam fortasse damnamus Superiorem, quòd ea mandet, quæ nobis non ita iucunda sunt: perit humilitas, quoniam, & si ex altera parte paremus, ex altera tamen nos metipsos Superiorem præferimus: perit in rebus arduis fortitudo: pe-  
 rit

rit deniq; (vt summam cōplectar) virtutis huius vis omnis, ac dignitas: succedunt autem in eorum locum dolor, molestia, tarditas, lassitudo, obmurmurationes, excusationes, aliaq; vitia nō sanè lenia, quibus obedientiæ pretiū, ac meritum prorsus extinguitur. Itaq; sanctus Bernardus, de iis, qui grauer ferūt imperata minus sibi sua uia, sic ait: Hæc si molestè cœperis sustinere, si diiudicare Prælātū, si murmurare in corde, etiā si exteriūs impleas, quod iubetur, nō est hæc virtus patientiæ, sed velamentum malitiæ. Quòd si pax, & tranquillitas animi queritur: certè hac nō fruetur is, qui habet intra se se causam perturbationis, atq; tumultus, dissensionē, videlicet, iudiciij proprij ab obedientiæ lege,

Serm. 3. de  
Circensio  
ne.

Atque idcirco, tuendæ concordie causa, quæ Societatis omnis est vinculum, tantopere hortatur Apostolus, vt id ipsum omnes sapiant, & dicant: nimirum vt consentientibus & iudiciis, & voluntatibus, mutuò foueantur, & conseruentur. Iam si vnum, eundemq; oportet esse membrorum sensum, & capitis: facile cernitur, utrū sit æquius, caput membris, an membra capiti cōsentire. Atque ex his quidem, quæ dicta sunt hætenus, satis apparet, obedientia iudiciij quàm sit necessaria.

XIII.

Ad Rom.  
15. & 1. Cor.  
1. & 2. Cor.  
13. & ad  
Philip. 2.

D

Quam



**XIIII.** Quàm verò sit eadem ipsa perfectà, grataq;  
 Domino, inde primùm ostēditur, quòd per eam  
 prastantissima pars hominis, ac pretiosissima  
 Domino consecratur: deinde quòd obediens ita  
 fit holocaustum viuum, gratumq;. Maieitati di-  
 uina cum nihil suimet omnino retineat: postre-  
 mò quòd magna est huius certaminis difficul-  
 tas: frangit enim sese Dei causa obediens ipse-  
 met, resistitq; naturali propensione, quæ omni-  
 bus hominibus insita est ad suam complecten-  
 dam, sequendamq; sententiam. Ex his igitur re-  
 bus efficitur, vt obedientia, tametsi propriè vo-  
 luntatem perficere videatur, quippe quam reddit  
 ad nutum Superioris promptam, ac paratam: ni-  
 hilominus ad intelligentiam quoq; ipsam, vt di-  
 ximus, pertinere debeat, eamq; inducere ad sen-  
 tiendum id ipsum, quòd sentit Superior: sic enim  
 fiet, vt omnibus connixi viribus, & voluntatis,  
 & intelligentiæ ad executionem celerem, atq;  
 integram veniamus.

**XV.**

Videor mihi vos, fratres charissimi, audire di-  
 cētes, de virtutis quidem huiusce necessitate iam  
 non ambigere: illud verò, vt cognoscatis vehemē-  
 ter optare, quo pacto ad eius perfectionem per-  
 venire possitis. Huic ego quæstioni cum sancto  
 Leone, ita respondeo. Nihil arduum est humili-  
 bus,



bus, & nihil asperum mitibus: modò non desit vobis humilitas, non desit mansuetudo: non utiq; deerit Deo benignitas ad vos adiuuandos, ut, quæ sibi promisistis, ea præstare possitis, animo non solum æquo, sed etiam libenti.

Præterea vobis tria nominatim propono, quæ XVI.  
ad obedientiam iudicij comparandam multum iuvant. Primum illud est, ut quemadmodum initio dixi, non intueamini in persona Superioris hominem obnoxium erroribus, atque miseriis: sed Christum ipsum, qui est sapientia summa, bonitas immensa, charitas infinita, qui nec decipi potest, nec vos vult ipse decipere. Et quoniam conscius vobis met estis, vos Dei amore iugum obedientiæ subiisse, ut in Superioris voluntate sequenda, voluntatē diuinam certius sequeremini: nolite dubitare, quin pergat fidelissima Dñi charitas, eorum ministerio, quos vobis præfecit, vos deinceps gubernare, & rectis itineribus ducere. Itaq; Superioris vocē, ac iussa, non secus, ac Christi vocem excipite: siquidē Apostolus etiam in hanc sententiā scribens ad Colossenses, cum ad obtemperandū Præpositis subditos adhortatur, ait: Quodcunq; facitis ex animo operamini sicut Domino, & non hominibus: scientes, quod à Domino accipietis retributionem hereditatis;

In tract. de  
præcepto  
& dispensat.  
fere initio.

Domino Christo seruite. Sanctus verò Bernardus, Siue Deus ( inquit ) siue homo vicarius Dei mandatum quodcunq; tradiderit, pari profectò obsequendum est cura, pari reuerentia deferendum: Vbi tamen Deo contraria non præcipit homo. Atq; ita, si non hominem externis oculis, sed Deum inspexeritis internis: haud sanè graue fuerit vobis voluntates vestras, atq; iudicia conformare ad eam regulam actionum vestrarum, quam ipsimet elegistis.

XVII.

Altera est ratio, vt quod Superior mandat, vel sentit, defendere semper apud animos vestros studiosè nitamini: improbare autè nequaquam: atq; ad eam ipsam rem proderit bene animatos, affectosq; esse ad id omne, quod ipse iusserit: sic enim fiet, nò solùm vt sine molestia, sed etiam vt cum voluptate, letitiaq; pareatis. Nam ( vt est apud Sanctum Leonem ) non dura ibi necessitate seruitur, vbi diligitur quod iubetur.

Serm. 4. de  
ieiunio se-  
ptimi men-  
sis.

XVIII.

Postrema subiiciendi iudicij ratio est cum faciliior, tutiorq; tū etiam opud sanctos Patres in more posita, vt statuatis vobiscum ipsi, quidquid Superior præcipit, ipsius Dei præceptum esse, & voluntatem: atque vt ad credenda, quæ catholica fides proponit, toto animo, assensuque vestro statim incumbitis, sic ad ea facienda, quæ;

quæcunque Superior dixerit, cæco quodam impetu voluntatis parendi cupida sine ulla prorsus disquisitione feramini. Sic egisse credendus est Abraham, filium Isaac immolare iussus: sic noui Testamenti tempore aliqui è sanctis Patribus iis, quos commemorat Cassianus: ut Ioannes Abbas, qui, quod erat ei imperatum, non reputabat utile ne esset, an inutile: ut cum aridum lignum tanto, ac tam diuturno labore per annum irrigauit: nec utrum fieri posset, nec ne: ut cum conatus est tam ex animo ingens saxum solus dimouere loco, quod ne multi quidem simul homines impellere potuissent: quod obedientia genus ipsis interdum miraculis diuinitus comprobatur videmus. Nam (ut alios taceam, quos ipsi non ignoratis) Maurus sancti Benedicti discipulus, mandato Superioris lacum ingressus, nec mersus est: alius quidam à Superiore iussus, leenam ad se ducere, illam cepit, atque perduxit. Est igitur hæc ratio subiiciendi proprii iudicii, ac sine ulla questione sancienti, & collaudandi apud se, quodcunque Superior iusserit, non solum sanctis viris vsitata, sed etiam perfectæ Obedientiæ studiosis imitanda omnibus in rebus, quæ cum peccato manifesto coniunctæ non sunt.

Gene. 22.

Lib. 4. c. 24  
& 26.Grego. 2.  
dialo. c. 7.  
In vitis Patrum 2. part.  
lib. de obe.

XIX. *Nec tamen idcirco vetamini, si quid fortè vobis occurrat à Superioris sententia diuersum, idq; vobis (consulto suppliciter Domino) exponendum videatur, quominus id ad Superiorem referre possitis. Verùm in hac re, ne vos amor vestri, iudiciumq; decipiat, illa cautio est adhibenda, vt animo sitis, & ante, & post relationem æquissimo, nō solùm quod pertinet ad eam rem, de qua agitur, vel suscipiendam, vel deponendam: sed etiam ad approbandum, rectiusq; putandū quidquid Superiori placuerit.*

XX. *Atque hæc, quæ de obediētia diximus, æquè priuatis erga proximos Superiores: atq; Rectoribus, Præpositisq; localibus erga Prouinciales: Prouincialibus erga Generales: Generali deniq; erga illum, quem Deus ipsi præfecit, nempe suū in terris Vicarium, obseruanda sunt. sic, vt & ordinum perfecta distinctio, ac proinde pax retineatur, & charitas, sine qua nec Societatis nostræ, nec alterius cuiuslibet Sodalitij posset recta gubernatio conseruari. Nimirum hoc modo prouidentia illa diuina disponit omnia suauiter, infima per media, media per summa, suos ad fines cuncta perducens. Hinc illa, videlicet, in Angelis vnius Hierarchiæ ad aliam subordinata series: hinc & celestium, & aliorum omnium,*

*quæ*

quæ cientur, corporum certis locis, ac sedibus inter sese apta connexio, quorum conuersiones, ac motus ab vno mouente supremo, gradatim omnes vsq; ad infimos rite proueniunt. Idem in terris, cum in omni ciuitate bonis instituta legibus, tum verò in Hierarchia Ecclesiastica cernitur, cuius omnia mēbra, et functiones ab vno generali CHRISTI Domini nostri Vicario deriuantur. & quò accuratiùs hæc dispositio, & collocatio custoditur, eò rectior est gubernatio, & melior. Contrà verò huius ordinis negligentia, quàm grauià incommoda multis hominum Societatibus importētur, nemo non videt. Atq; idcirco in hac, cuius mihi nonnullam procuratorem, ac curam Dominus tradidit, tam diligēter hanc virtutem exerceri, vigereq; percipio, quasi in ea Societatis nostræ bonum, ac salus vniuersa consistat.

Quæ cum ita sint, vt, vnde exorsa est, ibidem terminetur epistola: vos ego per Christum Dominum nostrum obtestor, qui sese nobis non modò præceptorem, sed etiam exemplar præbuit obedientiæ, vt ad eam virtutem toto pectore incumbatis, & gloriosæ victoriæ appetentes, atq; auidi, vosmetipsos superare, idest excelsiorem, & difficiliorem animi partem, voluntatē dico, atq; indi-

iudiciū expugnare, et subiicere studeatis: quò  
 Dei Domini nostri solida, veraq; cognitio, atque  
 amor vestros ad se animos penitus trahat, totoq;  
 vitæ huius, & quasi peregrinationis curriculo,  
 usq; eò gubernet, ac regat, dum vos demum a-  
 liosq; complures, vestra opera, exemploq; adiu-  
 tos, ad vltimum, & felicissimum finem, nimirū  
 ad beatitudinem sempiternam perducatur. Ve-  
 stris ad Deum precibus me valde commendo.

Roma vij. Kal. Aprilis. M. D. LIII.

**F I N I S.**